



Damonda da baghegiar

Nr. 88/2022

Datum da publicaziun: 29-07-2022

Patrun: GreinaBus GmbH, 7173 Surrein

Representant: System Wolf SA, 7000 Cuera

Liug e parcella: Rabius-Via Staziun; 196, 5241

Object: construcziun d'ina halla per vehichels

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 29-07-2022

Cumissiun da baghegiar

Scamond da far fiug absolut

Muort il prighel da fiug vala in scamond absolut da far fiug en vischnaunca Sumvitg.

Scumandau eis ei

- da far fiug el liber,
- da far fiug en fueinas ordeifer il territori habitau
- ed igl envidar fiugs artificials sco per exempel rachetas d'emprem d'uost.

Tenor prognosa dall'aura actuala vala il scamond era d'emprem d'uost. Havess la situaziun da semidar vegn informau sin la pagina d'internet www.sumvitg.ch.

Nus supplichein da risguardar il scamond. Per damondas stat l'administraziun communal bugen a Vossa disposiziun.

Sumvitg, 29-07-2022

Suprastonza communal

Uras d'avertura administraziun communal

L'administraziun communal resta serrada l'entschatta uost sco suonda:

- naven da **venderdis, ils 29-07-2022 allas 17.00 uras, entochen mardis, ils 02-08-2022 allas 08.00 uras**

Nus supplichein per enconuschientscha.

Sumvitg, 29-07-2022

Administraziun communal

Uffeci civil Surselva

Mortori

Bearth-Durschei Ottilia, naschida ils 09-05-1925, morta ils 15-07-2022, stada sesenta a Trun, Casa Sogn Martin.

Sumvitg, 29-07-2022

Controlla da habitonts

Sentupada cun grillada per in e scadin a Rabiús

Ils 13 d'uost naven dallas 17.00 envida Rabiús anavon tier ina sentupada cun grillada sil plaz scola. En cass da malaura vegn la sentupada spustada sils 3 da settember. Las informaziuns actualas anfleis Vus sut <https://www.rabiús.ch> Gia oz selegra la suprastonza da Rabiús anavon sin ina biala sentupada cun Vus tuts. Per Rabiús anavon, *la suprastonza*

Fiasta naziunala sil Chic sur Sumvitg:

Dumengia, ils 31-7-2022

– naven dallas 18.00: gril cun paun e pommes el Restaurant «Miraval»

– accompignament musical cun tiba

– ca. 21.00: Plaid da fiasta da Fabian Collenberg

Cunquei ch'ei regia in absolut scamond da far fiug, vegn desistiu dil fiug d'emprem d'uost. Nus selegrein da Vossa viseta. Cordialmein envida *Cuminonza pro Sogn Benedetg*